

Tének

Kanixtalab k'al an Eyal Takultalab OPLE 2026 (tsakam onoxtalab ti Tenek)

An Instituto Nacional Electoral, tin ebal an Dirección Ejecutiva kwentalom k'al an Servicio Profesional Electoral Nacional, ti t'ajchal jun i kanixtalab abal kit dhuchan ti al an Servicio Profesional Electoral Nacional ti al an eyaltalab axi exladh ti Organismos Públicos Locales Electorales Ataxtalab tin ajumtal an tamup 2026, juta ne'ets ka takuyat jita' ne'ets ti t'ojnal ti axe' xi eyaltalab.

I. Janchi ey xi aliyab:

Jun i exbadh takultalab jant'odh tin onal an lejkidh kaw, exladh k'al patal an atiklabchik, k'al jun i tajaxtalab k'al an dhuche' kaw juta ti exladh an atiklab axi biyalits tin t'ojonchal axe' xi tsalpadhtalab, in bajudhtalabil ani in k'aya'talabil k'al an elel tolmixtalab axi lej yejenchal ti al jun i pulik eyaltalab kwentalom k'al an pulik eyal takultalab axi in kwentalan an OPLE.

Axe' xi eyal takultalab, in aliyal jun i tsapikthalab tin ebal an t'ojlab axi ne'ets ka tuje y k'al an Pulik Eyal Takultalab ti al i bichowil. Jaxtam aliyab an atiklab axi in k'ijidhnal tin ba' axe' xi aylab. Lej yejenchal kin k'ijidhna an t'ojlab abal kin ejtow kin ts'ejka jun i takultalab k'al an Pulik Eyalchik k'al i k'ayatalab, antse' yab ka xalk'umats an atiklabchik axi yab kin ata' u kin ejtow kin k'aniy axi odhnanchab in uchbitalabil exladh ti al an Lejkidh Kaw.

II. Atiklab axi kaniyab:

In ejtawal ka dhuchan patal an atiklab axi in ats'al abal ne'ets kijn ejtow k'al axe' xi eyaltalab ani wa'tsidh ti Labtom Tsabal. Expidh yejenchal kin putuw an uw axi teje' ne'ets kin yejenchi jayetse yejenchal kin putuw tin ba' axi onadh ti axe' xi kanixtalab. In ejtawal ka dhuchan an t'ojnalits ti al an Ataj Eyal Takultalab ani in le' ka ebk'an tin t'ojlabil ani in putwal axi onadh ti axe' xi kanixtalab.

III. Yejenchixtalab abal kit dhuchan:

- Wa'tsintalab ti al an Labtom Tsabal ani yab kojchidh in uchbitalabil.
- Uw axi in onal abal in ejtawal ti takul ani ka takuyat INE.
- Yab dhuchadh ti al jun i partido político.
- Yab dhuchadh k'al i partido político abal ti eyal ajidh maj ti ox i tamup.

- Yab kojchidh in uchbital abal ka t'ojon ti al an eyaltalab.
- Kin putuw an exobitalab axi an t'ojlab in yejenchal ani in bajudh k'al an t'ojlab.
- Kin wat'ba patal in k'oybal axe' xi kanixtalab.
- Kin bina' kits'odh an uw axi exladh ti formato '8 de 8 k'al an odhnaxtalab.

IV. Jununul ani in Uchbitalabil.

Axe' xi Takultalab axi exladh ti Concurso Público 2026 u lejkinan ani inkidh k'an al uchbitalab axi exladh ti al an Lejkidh Kaw. Jaxtam jilk'onan t'apidh ani pel jun i jolbitalab max ya ka putwat an kaw tin ebal an odhnaxtalab, an eptsintalab an jek'omtalab k'al patal an atiklab axi wa'tsinenek ti ba jun i kwenchal elel pok'el u max t'unu' in xits'al, u max yab i ejek atiklab, max pel i uxum, max yab in ejtiyal alwa'an lab kaw, max pel i ts'ejel inik u ts'ejel uxum, max yab tsu'ux alwa', max pel jun i ets'ey ya'ul, max kojchidh jun i pejach in t'u'ul.

Ani a bal jita' kin ejton ka dhuchan ani yab jita' ka t'apchat in uchbital, ti al in k'oyobtal axe' xi talkultalab, ne'ets ka wa'tsin an jilatalab abal an atiklabchik axi kin yejenchi jant'odha axi pelchik i jok'tse u kojchidh jun in akan ani belal k'an an tolilil laktem. Jaxtam wenk'oyab jayej axe' xi kanixtalab ti al an tenek dhuchlab ani jun tolmix k'al an señas abal axi yab ots'ox ani yab u kaw.

V. In k'oybil an Concurso 2026

Axe' xi Concurso Público in k'wa'al belew i tsakam k'oyob punudh ta k'ichaj:

K'oybil	K'ichaj/lts'/Tamup
Kanixtalab	30 de julio al 14 de agosto de 2026
Dhuchantalab	7 al 14 de agosto de 2026
Onaxtalab abal ka utey	24 al 28 de agosto de 2026
Konowixtalab k'al in bajudhtal	19 de septiembre de 2026
Ka k'adhba an uw yejenchixtalab	10 al 16 de octubre de 2026
Konowixtalab psicométrica	7 de noviembre de 2026

K'oybil	K'ichaj/lts'/Tamup
T'ilomtalab	A partir del 18 de noviembre de 2026
Ne ka onaj jita' jilk'on	Prevista a partir de la segunda semana de diciembre de 2026
Ne ka otsits ti t'ojnal	A partir del 21 de diciembre de 2026

VI. Ne'ets jayj ka ela' i onaxtalab

Ne ka ela'jayej an onaxtalab ani kanixtalab ti al an página de internet an INE: ine.mx.

Ani max a k'wa'al jun i t'epintalab tin ebal axe' xi kanixtalab yejenchal kit kawin ti al an ts'aj **INETEL**, al **800 433 2000**, u ti al an correo electrónico concurso-ople.spen@ine.mx, de lunes a viernes, de **9:00 a 18:00 horas**, tiempo del centro.